



Sagardoa dastatzen, Aramaioko Iturrieta sagardotegian. ARABAKO HITZA

ARABAN ERE, SAGARDOTEGI GARAIAN

Sagardoaren kultura zabaltzen ari da Araban. Azken urteetan, handitu egin da sagardoaren kontsumoa, eta gero eta jende gehiago joaten da sagardotegietara otordua egitera.

Aramaioko Iturrieta sagardotegian egingo da Arabako txotx garaiari hasiera emateko ekitaldia, urtarrilaren 18an, Arabako Sagazale eta Sagardogileen Elkar-teak antolatua. Tradizioa da nagusi Iturrieta sagardotegian (*iturrietasagardotegia.blogspot.com*), eta bere sagastietan jasotako sagarrez eginiko sagardo ekologikoa eskaintzen dute.

Urtarriletik maiatzera zabalik izango dute txotx egiteko garaia, eta bezeroek

sagardoaz eta giro atseginez gozatuko dute. Iturrieta sagardotegira autobusez joateko aukera dago, Gasteiztik, eta, erreserba egiteko, hauetako telefono zenbaki batera dei daiteke: 685-72 15 93 edo 945-44 53 85.

Bisita gidatuak urte osoan egin daitezke, aldez aurretik deituta. Bisitariak barnetik ezagutuko du sagardotegia, sagastiak eta baserri ingurua ere bai, eta sagardotegian lana nola egiten den ikusi ahalko du, sagarra jasotzetik

zuku bihurtzera egiten den prozesua. Halaber, sagardoaren eta sagar zukua-
ren ekoizpenari buruzko azalpenak eskainiko zaizkio, sagarraren ezaugarriak, sagarrondoak... eta, gainera, sagardoa eta sagar zukua dastatuko ditu, bertako txorizoz edota Idiazabalgo gaztaz lagunduta.

Naturaren erdian

Askartzako Trebiñu sagardotegian ere (*www.trebinu.com*) beren sagarrondoetako fruituekin egiten dute sagardoa. Duela hamabost urte inguru hasi ziren lehen sagarrondoak landatzen eta sagardoa egiten, eta Trebiñu markako sagardoaren ekoizpena gero eta handiagoa da, gaur egun dituzten 2.500 sagarrondo ingururi esker.

Sagardotegia naturaren erdian dago, toki zoragarri batean. Lagunekin edo familiarekin joateko eta egun eder bat igarotzeko ezin hobea, sagardo eta jaki bikainak dastatzeko, eta sagardotegi giroaz gozatzeko. Autobus zerbitzua eskaintzen dute. Erreserbak egiteko edo autobus zerbitzua erabiltzeko, te-



Kuartango sagardotegiak egiten duen sagardoa eta zukua. KUARTANGO SAGARDOTEGIA

Telefono zenbaki hauetako batera deitu behar da: 945-24 48 52, 657-73 65 99.

Interpretazio zentro bat

Zuhatzu Kuartango herrian dago Kuartango sagardotegia (Kuartango-sagardotegia.com), garai batean aski ezagunaz bainuetxea zegoen tokian.

lazko urtarrilean, Arabako txotx sasoia zabaldu zen egunean zabaldu zituen ateak.

Urte osoan irekita dago, autobus zerbitzua ere eskaintzen du, eta hainbat menu prestatzen ditu: ohiko sagardotegi menua, beganoa, haurrentzako menua eta bezeroak aurretik

deituta eskatzen duena. Erreserbak egiteko edo autobus zerbitzua erabiltzeko, hauetako telefono zenbaki batera deitu behar da: 699-74 77 30 edo 945-36 26 83.

Sagardoaren interpretazio zentro bat eraikitzen ari dira Kuartango sagardotegian, museo txiki bat, sagardoa egiteko prozesua ezagutarazteko, dolarea erakusteko eta dastaketak egiteko, besteak beste.

Sagar aberastasuna

Arabian, sagardoa ekoizten ez ezik, sagardogileak eta sagarzialeak lan handia ari dira egiten tokiko sagar motak berreskuratze eta aztertze. Garai batean sagardo ugari ekoizten zen Arabian, eta sagar aberastasun hori oraindik antzeman daiteke toki askotan.

Sagarrondoak aurkitzeko, sagarrak aztertze eta etorkizunerako mantentze ere lan handia ari da egiten Arabako Sagarzale eta Sagardogileen Elkarte.

Halaber, galtzeko zorian zeuden sagardotarako sagar mota ugari biltzen eta gordetzen ari dira Arabian.

TXOTX egin Arabako sagardotegietan!

Autobus zerbitzua hiru sagardotegi hauetara

TREBIÑU
sagardotegia



Trebiñu Sagardotegia
www.trebinu.com
945 44 53 85 / 685 72 15 93



Iturrieta sagardotegia



Arraga auzoa / ARAMAIO
945 44 53 85 / 685 72 15 93
iturrietasagardotegia.blogspot.com



Kuartango
SAGARDOTEGIA

Zuhatzu-Kuartango 21
1.699 747 730 - 945 362 683